

بسم الله الرحمن الرحيم

الحصه الـ ☺ 5 Renal

احنا خدنا شويه ف قصه الاعصاب بتاعه الـ urinary bladder

هنكمل بقي ف الـ micturition ... ☺

فيه عندك curve .. حفظ

اي curve او pathway عندك لازم يتحفظ

حاجه اسمها Cystometrogram :-

Gram .. يعني رسام

Metry .. يعني قياسات

Cysto .. يعني urinary bladder

يعني رسام قياسات المثانه

الفكره ايه يا ولاد ؟!

بندخل ف الـ urethra "مجري البول" .. انبويه رفيعه من بره ، ونخش جوه المثانه البوليه بتاع البني الدم

ونقيس حجم البول كام ؟ والضغط جوه المثانه كام ؟

وبعدين نرسم رسمه ..

عايزين نشوف العلاقه بين حجم الـ urine اللي بيتجمع

جوه الـ urinary bladder ، والضغط ..

فعندك ف الـ curve ..

الـ Horizontal هو الـ urine volume ... كام مللي .. ؟

VISIT...

LANZAROTE
Caliente.COM

والـ vertical هو الضغط داخل المثانه

واسمه **intra-vascular-pressure** ..

وحدته "سنتيمتر المايه"

** علي فكره الضغوط بتتقاس يا ب "mm Hg"

يا ب "سم المايه"

طيب شوف ..

لما يجيلك ف الامتحان اي curve زي curve السكر مثلا ... ارسم علي ورقه بالمسطره الافقي و
الرأسي واكتب بياناتك ..

تعالى نتفرج بقي لما قاسوا .. لقوا ايه العلاقه بين حجم الـ urine ،، والضغط داخل المثانه ... ☺
الارقام اللي هقولها لك دي مش مكتوبه بالظبط ف الرسمه ،، بس هتلاقيها ف النظري كده ...

انا عارف ان الرسمه عندك بادئه من اول 100 ... بس هم بادئين من اول 50 ..
فبيقولك ..

اول **50 ml urine** هيتجمعوا داخل المثانه الضغط داخل المثانه لقوه بيساوي ف الـ normal من
5:10

يبقى الضغط امته من 5:10 ؟؟

_ لو البول حجمه 50 ml

آدي اول نقطه .. اللي هي الطلعه الاولانيه دي ف الـ curve

يبقى اول رقم هتحفظوه لما يبقى البول 50 ml .. الضغط من 5:10

طيب حجم البول بقي عماال يزيد .. من اول 50 لـ 400 ml

في الرسمه عندك من **50:400** ... الضغط ف المثانه تقريبا ثابت

طبيب انت عايز تفسير علمي ... يعني ايه حجم الـ urine عمال يزيدي 50 ثم 60 ثم 70

.... لغاايه 400 ؟؟؟ ... ولييه الضغط ثابت في الحته دي ف الـ curve ؟؟؟!

عندك كان فيه قانون ف سنه اولي اسمه ... **La Place Law**

الخواجه ده حط قانون لحاجات المدوره كده ... زي المثانه والمعده والقلب ! 😊

فقال ان الـ **pressure** في الحثت دي .. **ضعف الـ tension** .. علي نفس القطر

الـ tension ده يا ولاد .. اللي هو قوه الشد اللي لو زادت تقطع الـ wall

،، يعني حاجه عايزه تقطع الجدار

طبيب ودي ايه علاقتها بالرسم ؟!

افهموا ..

انت عارف لما **حجم البول يزيدي** من 50 لغايه 400 ... **الشد** الواقع علي جدار المثانه **بيزيدي**

بس ف نفس الوقت **المثانه بتوسع** معاك ! .. فنصف القطر كمان يزيدي

ولما تبقي النسبه زادت فوق وتحت .. بسط ومقام تفضل النسبه ثابتة

عشان كده الضغط فضل ثابت بين 50 : 400 ...

والدليل La Place Law ...

انه ف الـ range ده من الحجوم .. الشد الواقع علي جدار المثانه بيزيدي ، وف نفس الوقت المثانه بتوسع

فالضغط يفضل ثابت ...

طبيب عند 400 او اكثر ..

المثانه يا ولاد **بطلت توسع** خلاص .. والشد بقي خلاص علي المثانه هيقتعها ! 😊

والـ raduis جاب اخره !! 😊

فالـ pressure يزيدي اوي

والخط مطلعش متقطع ، عند 400 طلع فجاه ..

عند 400 ml .. الضغط بيعلي اوي لدرجة انه بيتخطي ال sphincters

فالمحابس اللي كانت علي البول ، هتفتح غصب عن البني آدم

بس مش هيفضي كله .. !!

هيفضي شويه لغايه ما يوصل لـ 400 ...

يعني هتلاقي فعلا ابتدت نقط تنزل منه

بيقولك امته البني آدم يحس ان المثانه فيها حبه بول ؟!!

عند 150 ml _

يعني تبتدي تحس بس .. مش تتضايق ولا حاجه

الجماعه العلماء بصوا علي الرسمه دي وقالوا احنا عايزين نسميها ..

فقسموها ٣ اجزاء ..

قالوا اول مرحلتين فيها .. يا اما الضغط زاد حبه صغيرين ... يا اما مزادش

يا اما الضغط ضرب جامد لفوق .. دي مرحله ثانيه

اول مرحله ... مرحله 1 ... هنقسمها 1A , 1B

يعني يا اما الضغط زاد حبه .. يا اما مزادش

والمرحله الثانيه .. مرحله 2

فدلوقتي لما اقولك انهم 2 segments .. فانت هتفهم ان 1 دي حاجه .. و 2 دي حاجه ثانيه ...

علي فكره دي بتيجي mcq ..

يقولك ال segment .. 1B ... من غير ما يرسم

عليك تبقي عارف حجم البول من كام لكam والضغط ثابت

من 400 : 50

طیب امته تبتدی 2 segment؟؟!

عند 400

طیب عند 50 ml یبقى الضغط كام؟؟

هیيقي 0.5

اقلب الصفحة

-: Micturation reflex

یعني "تملي...تفضي"

عارف مين شغال بنظام "تملي ... تفضي"؟؟؟!

هم 2

١- البیبي الصغیر .. الـ infant اول سنتین

٢- العیان اللي اتقطع عنده الـ spinal cord بالعرض ... یعنی complete trans-section

عارف العیان ده حصله اییبه؟؟!

انت فصلت مركز التفكير في مخه عن مركز التبول ... "S2,3,4"

فخلاص معدش يتحكم ... ! ☹

ای reflex بنشرحه في SRACER

Stimulus , receptor , afferent , center , efferent , response

آدي الـ urinary bladder ، وآدي المحبسین ...

الـ stim distention

مكتوب عندك لو اتجمع جوه المثانه من 300 : 400 ml mole

ویيقي الـ receptor اللي هیشتغل اسمه tention

الـ urinary bladder زیها زي الـ rectum ... جایلها نرف اییبه؟؟

اللي هیقول الـ vagus هیشیلوه یرموه بره لجنه الشفوي ! ☺

_ الحته دي جایلها . pelvic N. ... هی تبع الحوض

انما الـ vagus یا ولاد واخذ الـ abdomen و الـ thorax

یبقی احنا قولنا الـ Aff ... pelvic N.

والـ Eff اللي راجع ... برضه pelvic N.

والـ center ... sacral 2 , 3 , 4

طیب یا ولاد حد فاکر ازای هتفضی؟؟!

_ هتعمل contraction و relaxation فی الـ sphincter

أنهی sphincter؟؟!!

_ الـ internal ... عشان هو الـ involuntary

طیب ازای هملي وافضي ف الیبی الصغیر؟؟!

_ ف الیبی الصغیر المثانه هتملي من 300 : 400 ... فهتملي علي الآخر !

فتروح مفضیه علي الآخر !!

بغض النظر عن الزمان والمكان !! ☺

العیال الصغیره دول فضیحه ! ☺

وزیها زي الراجل الکبیر اللي حصله complete trans-section

ملي .. یفضي لآخر نقطه ... !

طیب لو طالب بیفکر یقولی

انتی قولت ان الـ bladder تتملي ع الآخر .. فتقضي ع الآخر !

طب فيه حاجه !

مش المفروض لما الـ bladder تقضي ع الآخر .. تكون مبقتش مشدوده ؟؟؟؟!

يعني .. لما المثانه تقضي نصها "نص الـ 400" .. مش كده مبقتش مشدوده والـ relax ده يقف !!

ليبييه بقي لما الليبي الصغير بيغطي .. بيغطي لااخر نقطه ؟؟؟؟!!!

يعني بيفضل يكمل انه يغطي رغم ان المثانه مبقاش فيها relax !!

__ اقولك فيه reflex مكمل ... ! ☺

بيقولك اييه .. اي واحد بيبتدي البول عنده ينزل من المثانه .. وهو معدي في الـ post. urethra

بيبعث كهربا بت initiate الـ reflex تاااني !

يقوم يعمل cont. ف الـ urinary bladder

إذا ...

قولي بقي الـ cont. بتاع المثانه لما يقف هنا .. يقف امته ؟؟؟

__ لما يخلص البول خالص .. ☺

فهمتوا حتة المكمل ده ؟! ...

اقلبوا الصفحه ...

سؤال نظري مهم جه مره واحده ..

-: Abnormalities of Micturation Reflex

فيه مرض قولنا العيان اتقطع عنده الـ spinal cord ... complete trans-section

العيان ده عنده كل الـ reflexes ضاعت تحت .. ☹

فسميناها spinal shock ...

وبيقعد 40 يوم ..

من ضمن الـ reflexes اللي بتضيع ..

ان حته "تملي .. تفضي" دي مش عنده ! ☹

فببقي عنده "تملي تنقط" !!!

وسميناها **retention with over flow**

يبقي ف ال spinal shock ... "تملي تنقط"

عقب ال spinal shock بـ 6 اسابيع ... ال reflexes **بترجع** تحت القطع ! ☺

ومن ضمن ال reflexes اللي بترجع ال **micturition reflex** ...

فيرجع زي البببي .. "يملي .. يفضي"

فسميناها **Automatic bladder** ... "تملي .. تفضي"

كده عندنا ٣ امراض .. عرفنا منهم واحد ..

فيه ٢ جداد بقي ..

فيه مرض اسمه **De-affrentiation :-**

يعني ال **Aff** اتقطع .. ! ☹

طب وده بيتقطع فين ياخويا ده !! ☺

بيتقطع ف مرض خدنا ف ال sensory ... كان فيه النرف بيتقطع وهو داخل ال spinal cord !!

اللي هو ال **syphilis**

اللقطه الاخير للعباب الالهى لمریض ال syphilis

فاكر لما دكتور ناجي حكاك ف ال special sense ان اخينا ده ضاع منه ال light reflex

لكن ال near vision سليم

فاكر ؟! ☺

المریض ده كان بالیل مش بیحس بالارض ، بیضیع منه احساس ال pressure

كان اسمها positive Romberg sign .. كان بيمشي يخط علي الارض ..

فيه مرض ثاني عندك ..

-: Denervation

يعني الاتنين اتقطعوا .. قدام وورا

قدام ... tumor

ورا ... هو السبب

في الحقيقه ليا هدف اني احط المرضين دول في جدول مع بعض ...

ان فيه نقط تشابه بينهم كثير ...

بص علي الـ bladder .. تخيل انك قطعت الفردتين Aff , Eff .. !

كده معادش فيه reflex ! ☹

اصلك مادام لعبت ف الـ reflex arch

معادتش الـ bladder دلوقتي " تملي ... تقضي "

يعني مفيش reflex

طبيب ادي اول حاجه مكتوبه ف المرضين الاتنين No micturation reflex

بص كمان

مادام الـ Aff اتضرب ... اللي هو جايب الاحساس من المثانه وجاي

سواء اتضرب لوحده ... De-affrentiation

او Aff , Eff ... Denervation

يبقي سعادتك كده العيان ده مهما الـ bladder اتملت .. مش هيحس ! ☹

اصلہ هیعرف منین !! ☹

مانت قطعت السلك اللي كان جاي من المئانه !

العيان ده معندوش اي تحكم ع البول خالص

ايش عرفه انها مليانه اساسا !!

فمكتوب عندك مفیش **voluntary control** ف المرضين

فالتالب يسأل

طب والبول هنا هيمشي ازاي؟؟!!

لاهي " تملي .تفضي " !

ولا فيه تحكم !!

اقولك كتاب الكليه كتبها ازاي

بيقولك هنا في ناحيه الـ De-affrentiation

بيحصل **Overflow few drops by intrinsic smooth ms reflex**

طب بصي الناحيه الثانيه في الـ Denervation

هيجصل **expense few drops**

Expense يعني بتطرد

ياولاد افهموا جوز العيانيين دول معندهومش " يملئ .. يفضي " ... !

ولا بيتحكموا ... !

عارف ايه اللي بيحصل ؟

_ المئانه بتملي بول .. تملي بول .. تملي بول ..

ولما تتملي ع الاخر ..

الزيادة تنقط ..

يعني هي دي اللي اسمها **retention with overflow**

كان المفروض الكتاب يكتبه كده

سؤال mcq

** ناحيه De-affrentiation عندك

مكتوب ال bladder wall بيكون **thin & distended**

** وناحيه Denervation

بيكون **shrunked & hyper-trophed / thick**

شوفوا يا ولاد الحقيقه انا معنديش تفسير علمي لده !

انه اشمعني يعني جدار المثانه بيكون كده ف كل مرض !!!

بس انا عندي رؤيه ..

تفكر مين فيهم ال bladder عنده سهل انها تنفجر ويخرج منها البول ويعمل التهاب بريتوني ؟! ...

اصل البول ده **حمض** ...

هل الاسهل وال bladder ... thin & distended

ولا وهي thick & shrunked ؟؟؟؟

اكيد وهي distended ! ..

زي مريض ال **syphilis , tapes dorsalis**

فاللقطه الاخرية للعقاب الالهى ...

ان المثانه بتاعته منفوخه والجدار رفيع ! ☹

فتنفجر ويجيله **pretonitis** ويغور ف داهيه ... يستاهل ...

اما عيان ال tumor لا متنفجرش عنده ..

كفايه اختبار قوه تحملہ وصبرہ ..

بس برضہ still السؤال ده صعب ... ☹

نيجي للكبار بقي ..

احنا قولنا البيبي شغال " يملی .. يفضي "

تعالی للكبار بقي ..

-: Higher control

وسؤال نظري مهم

اكتب انه ماشي بنظام " تملي ... تفكررر " ☺

شوف بقي

انت عارف لو adult سليم كبير

ال bladder بتاعته اتملت ...

انا علمتكوا الحصة اللي فاتت احساس الامتلاء عشان يوصل ومحدث يشوفه

كان طالع ف انهى column !؟

في ال post. Column

ده سؤال mcq

ال bladder لما تتملي .. بتشتغل tension receptor .. وتبعت كهربا علي ال pelvic N.

فبيعت الكهربا علي ال post.column لغايه الباشا فوق اللي هي ال cerebral cortex ☺

فالواحد مننا يحس ان ال bladder مليانه بيتدي يفكررر !

هل الاجواء مثاليه ؟ .. ولا ناخر شويه ؟

فيه بقي مراكز ف المخ - اساميه عندك - بتنشط عمليه التبول

والاثنين بحرف الـ "p" **pons** , **post. hypothalamus**

یعني لو الوقت مناسب يشتغلوا ... وهقولك يعملوا اييه !

وفيه مركز **inhibitory** في الـ **mid brain**

ده يوقف التبول ...

تصور ان الباشا "**C.C.**" .. فيه حته ليها علاقته بالتبول اسمها **superior frontal gyrus**

ودي ممكن تشتغل **on** او **off**

یعني **stim** او **inhib**

طب نفترض واحد الـ **bladder** عنده اتملت ... وبص حواليه لقي الجو مناسب .. وقرر يفضي

فالمراكز اللي هتساعده هي :-

١ - **Pons**

٢ - **Post. Hypothalamus**

٣ - **Superior frontal gyrus**

عارف بتكون النتيجة اييه؟؟

الـ ٣ اماكن اللي انت قولتهم دول .. لو الجو مناسب بيبعثوا كهربا لمراكز التبول 2 , 3 , 4

فيقولوا علي بركه الله ابعت الـ **Eff** ... وفضي

ااااا عشان كده بتلاقي فيه كام ثانيه كده بين لما بتتوي ولما البول بينزل

فيه فتره كده علي ما الكهربا بتتنزل من فوووق في الـ **pyramidal tract** لغايه 2 , 3 , 4

علي فكره الكام ثانيه دول ف العواجز بتبقي دقائق .. واحيانا ربع او ثلث ساعه ..

العواجز اصلهم بتبقي عندهم مشاكل ..

ممکن تضخم ف البروستاتا ... ضاغط علي مجري البول

علي فكره ف الجراحه هيعلموكوا حاجات غريبه اوي
ان علاج المريض ده انه يفتح الحنفیه جنبه وهو بيعمل urination
عشان بتنشط شويه .. يعني صوت المايه بيحفزه .. دي حاجه emotional كده
يبقي اول حاجه المخ قالك علي بركه الله

فهنعمل cont. حاجتين

و relax حاجتين

"إدي لزوبه زقه" ... "حزأه خفيفه"

الزقه دي انت بتعمل cont. ... فالـ diaphragm بينزل

والـ abdominal wall بتعصر المثانه شويه .. تخليها تفضي

** يبغي cont. حاجتين اهو

بعدين هتعمل relax حاجتين

انهي محبس يا ولاد اللي بتتحكم فيه انت voluntary؟؟

اللي بره

افتح بمزاجك ... فتفك المحبس البراني ... relax

بس فيه حاجه ثانيه هتعملها relax ..

كل ده ف التبول عشان تفضي ...

فيه عضله كده ف الاناتومي بتاعه الحوض اسمها levator ani

العضله دي انت بترخيها ساعه التبول ..

عارف ارتخاءها بيعمل ايبيه؟؟!

بيحصل downward tug .. يعني هبوط مفاجئ

فأله levator ani لما ترخیهآ ... هتشد معاهآ الـ urinary bladder لتحت

فأكر مره مش أتعلمنا أن العضله اللي بتشدها وتعملها stretch ...

بيحصل فيها إيه؟؟

contraction _

النازله بتاعه الـ levator ani دي لتحت ومعاهآ المثانه هي response cont.

وده يخليك تفضي أكثر ...

يبقى التبول .. غير النيه ... فيه حاجتين هتعملهم cont. ... وحاجتين relax

Cont. لـ diaphragm , adominal wall

Relax لـ levator ani و المحبس اللي بره

أقلب الصفحه

عندك دكاتره الكلي بيطلبوا الفحوصات دي .. هم ء مجموعات ..

بص هو كلام لذيز و هتأخذ فكره حلوه عن غسيل الكلي وبتاع ☺

الفحوصات بتاع مريض الكلي :-

يا أما دم أو بول

يا تحاليل معتمده علي دم أو بول

يا أما صور وأشعه

أول حاجه :-

في تحاليل دم مريض الكلي :-

بنطلب إيه يعني؟؟

Urea - ١

٢- Creatinine

٣- K

٤- P

٥- Uric acid

٦- PH

أجيب م الآخر ... ☺

اي مريض عنده **chronic renal failure** ... مريض الفشل الكلوي المزمن ..

كل حاجه بتعلي ف دمه ..

كلهم لما نقيسهم نلاقيهم **عاليين**

انما لو لقيناها normal يبقى ده كويس ..

طبيب هو انا هحفظ الارقام ؟؟ ☹

_ والله هو الـ ٣ الاولانيين دول لازم يتحفظوا ...

**** الـ urea ...** عمال اقولكوا من الحصه اللي فاتت

انها من **20 : 40 mg/dl**

الـ dl ده ... ديسي ليتر ... يعني 100 ml

**** والـ creatinine** بيكون normal ... **لغايه 1.5**

عشان كده لو هنقيس واحد بس من الاتنين !! نقيس الـ creatinine

طبيب بيطلع منين الـ creatinine من الجسم ؟؟

من **العضلات** ..

يبقى ده لما يعلي فعلا ... فشل كلوي ☹

على فكره يبقى دي تاني مره اخيركم بين حاجه والـ creatinine ... وتختاروا الـ creatinine

فاكر لما جينا ف موضوع الـ GFR ..

قولتلك عندنا طريقين الـ urine clearance .. والـ creatinine clearance

واختارت الـ creatinine clearance ..

ليبيه بقي؟؟

_ عشان endogenous ،، مبيأثرش علي الكلي التعبانه .. ☺

**** الـ K بقي من بقي من 3.5 : 5**

ولو مفتكرتش يبقي 5

**** اللي عايز يحفظ الـ P والـ uric acid ... براحتة**

الـ uric ... المهم ان ف الراجل اعلى من الست

**** الـ PH في الـ normal ... 7.4 ... ده الـ arterial**

و **7.35** ... ده الـ venous

**** مريض الكلي كل حاجه بتعلي عنده ماعدا الـ PH ... بيقل ويجيله acidosis**

تاني حاجه :-

ايه تحاليل البول اللي بيعملها مرضي الكلي؟؟

حجم البول لازم يتقاس ..

فبنقول للعيان لما تروح .. اي بول تنزله .. جمعه ف الكوبايه الكبيره دي ..

ولما تخلص املا اللي بعديها ..

عشان لازم نقيس حجم البول في اليوم

وهو **normally** ... لا یقل عن نص لتر

مکتوب عندك من لتر : نص لتر

فیاریت تبروزلي الـ 500 دي ... ☺

انت عارف اللي ینزل بول اقل من نص لتر ف اليوم !! ده فشل كلوي علي طول ☹

اصل ده معناه ان السموم بتتحوش جواه ! ☹

واقل حجم urine یخلصك من سموم الدم ... هو نص لتر

**** الـ specific gravity :-**

بتكون **normally** ... من 1010 : 1020

خدت ف البايو العوامه دي اللي هي الـ **urino-meter**

انت عارف فكرتها ولا لا ؟؟!

ببساطه ...

الواحد بیعوم احلي ف مايه البحر ولا النيل ؟؟

_ البحر

عشان الاملاح ... عشان كل ما الملح زاد .. كل ما الطفو یبقى احلي

فبنفس الطریقه ..

كل ما الاملاح تزيد ف الـ urine ... العوامه بتطلع لفوق ... وبتدي قرايه اعلي

العوامه كانت مترقمه 1010 بعدین 1020 ... وهكذا

فكل ما الملح كان کثیر كل ما العوامه هتطلع لفوق وتدي قرايه عاليه

دي فكره العوامه

هي مش تبع الفسییولوجی بس بحکیهالك ...

طیب تفتكر لو واحد شرب مايه كتیر .. البول بتاعه ينزل مخفف ولا مركز؟؟

__ اکید مخفف

اقل **sp.G** بتبقى 1003

..... اکتبها جنب الـ **water diuresis test**

طیب تفتكر لو واحد صایم بقاله ١٢ ساعه ومشریش خالص

البول بتاعه دلوقتی هییقی مرکز ولا مخفف؟؟

__ اکید مرکز

ففيه حاجه عندنا اسمها **conc test** .. بیصل الي 1030

سؤال شفوي ..

عیان شارب او مش شارب ایا كان .. ویطلع عنده الـ sp.G تساوي 1010 ف الحالتین

على السواء؟؟؟؟!!!!!!

الاول هي 1010 دي قرايه ایيه ؟ الـ sp.G بتاعه میین؟؟

__ دي قرايه الـ **sp.G** بتاعه الـ **plasma**

عارف یعنی ایه مریض یطلع عنده البول 1010 كل مره ... !!

__ ده معناه ان البلازما بتدخل من ناحیه فی النفرون .. وبتنزل الناحیه التانیه زی ماهی .. !!!

یعنی انابیب النفرون مبتعملش فیها حاجه !!

لا **absorption** ولا **secretion**

ده مریض chronic renal failure علي طول ..

اصل ده معناه ان النفرون بقي ماسوره معدن !!

حد حفظ الارقم بقي؟؟!! ☺ ☺

تالت حاجه :-

قياسات معتمده على الدم او على البول :-

فاكر لو عايز اقيس **GFR** ..

كنت بستخدم معادله ال clearance بتاعه ميين ؟؟

_ ال **inulin** ... واحلي منه كان ال **creatinine**

وكنت انا لو قسته لعيان وطلع قليل ...

يبقي ال glomerulus تعبانه

يبقي عنده مشاكل ف الكليه

طب حد فاكر **ERPF** ...

Effective renal plasma flow

وهو **650 ml** بلازما ف الدقيقه

اومال ال **700** !! ...

_ دول كان اسمهم **total**

فاكر لو انا عايز اقيس ERPF لشخص ..

كنت بحقنه بصبغه **parahypochloric**

خلاص كده يبغي العيان مره هقيسله ال creatinine clearance مره

او الصبغه اللي حقنتهاله

رابع حاجه :-

عارف من ضمن الاختبارات المهمه لو عندك مريض كلي ..

بنقيسله حاجه اسمها urea clearance

ازااي يعني؟؟

_ بنشوف $(U*V) / P$.. بتاعه urea

conc urea in urine ... U

conc urea in plasma ... P

volume urea in minute ... V

انا علمتكوا

ان اللي يشرب مايه كثير .. ينزل بول كثير .. يعني هخلص من urea كثير علي بره .. ☺
حلو ..

الجماعه العلماء بقي جابوا ناس نورمال زي حالاتكوا كده ..
قالوا شربوهم مايه كثير كلهم ..

لقينا ان لما بيبقي حجم البول في الدقيقه 2 ml او اكثر ...

.. كل الناس الـ normal بتطلع معاها نتيجه المعادله 70 ml/min

يعني كأن كل دقيقه ... 70 مللي بلازما هيضافوا ..

ده اسمه "m" Clearance يعني clearance maximum

ده الـ normal ! ..

طيب الكلام ده لو حجم البول 2 ml او اكثر ..

طب نفترض احنا كلنا normal بس مش شاربين مايه كثير !

فالبول عندنا قليل !

فیه مشكله هتقابلنا بقي

فیه خواجه كان شغال هنا اسمه **varice-leck**

طب نفترض احنا كلنا **normal** بس مش شاربين ميه كتير البول عندنا قليل فیه مشكله هنا قابلتنا بقي فیه خواجه كان شغال هنا مش عارف الاسم صح اسمه فالى اسلك

← الخواجه فالى اسلك لاحظ حاجه ان انتو كلكو ناس طبيعيين :-

- حجم البول عندكم لانكم مش شاربين ميه انهاده اقل من ٢ مم .
- لقينا الارقام بتختلف بقي يعنى انت تطلع غير اللى جنبك تطلع غير اللى جنبك فالى اسلك قال وبعدين انا عايز رقم واحد عشان اقيس بيه انا عيان ولا مش عيان .

😊 فالى اسلك عمل عمله سوده بعيد عنك بص عمل ايه :-

- جه قال لو حجم البول اقل من ٢ مم انا عايز اخذ الـ **square root** بتاع الـ **volume**

🗨 الجماعه بتوع الرياضه قاموله ايه اللى هتهببه ده يا فالى اسلك انت عندك فى الرياضه :- لو هتاخذ الجزر من ناحيه من المعادله لازم تاخذ الجزر من الناحيه الثانيه.

قالهم سيبوني وسيبوا الرياضه دلوقتى مش عايز رياضه دلوقتى انا عايز اجرب

وجت معاه تيجى مع العمى يا اخى جت معاه

★ لما عمل العمله دى طلع ان كل الناس الـ **normal** لو حجم البول اقل من ٢ مم ونطبق المعادله دى يطلع حجم البلازما اللى نصف ٥٤ مم

عارف هو عمل ايه ؟؟؟

- انت لو عايز تصغر رقم فى الرياضيات يا تاخذ الـ **log** يا تاخذ الـ **square root** .
- هو صغر الفروق ما بين البشر وبعضهم بالحركه دى عشان كذا فى كتب الفسيولوجى بتكتب كلام فالى اسلك على استحياء مهو ده الرياضه

يكتبلك ايه بقى يقولك ايه ؟

- فالى اسلك حط المعادله دى **empirically** عارف يعنى ايه **empirically** ؟؟؟ بالبركه

جت معاه بالبركه احنا فاهمين انو عبيط بس جت معاه **empirically** هزئوه كل كتب الفسيولوجى بس الراجل فادنا .

← كل الناس الـ **normally** حجم البول اقل من ٢ مم طلعت كام النسبة ؟؟؟ ٥٤

★ طبيب مين شاطر اذا كنا سميها الـ **clearance maximum 70** نسمى الـ ٥٤ ايه ؟؟ متقولش **minimum** دا مش قليل تقول دا الـ **normal** او تسميه الـ **standard** الـ **clearance** العادى اصل ٥٤ مش قليله الحقيقه

الارقام ده على فكره تحفظ لان هى دى اللى بشخص بيه فى المستشفى .

➤ المفروض لو حجم البول ٢ مم او اكثر يبقى الـ **clearance** كام ؟؟؟ طبق المعادله ٧٠ مم / دقيقه

➤ طیب لو اقل من ۲ مم بقی ۵۴

➔ فیہ عندك صور الاشعه اللى بنعملها للعیانین بنعملهم x-ray لو فیہ حصوه تیان بتاع .

- فیہ اشعه بالصبغه **ip** ایہ الـ **ip** ده؟؟ **intravenous urography** اسمها ایہ الصبغه اسمها ایہ الصبغه انتو عارفینہا **intravenous urography**.

على فكره احنا بنحقن فی مستشفى بصبغه اسمها **para amino iguric** یا صبغه ثانیه اسمها هتروحوا تاخدوها فی النظری اسمها **diodrast** المهم ان **الصبغتين** **دول completely secreted** وبيان لونهم ابيض فی فيلم الاشعه.

****** الجماعه اللى مفهومش فكره الصبغه الحصة اللى فاتت انا لما احقن صبغه فی دم العیان دلوقتى الصبغه دى الكلیه بتاخذها ترميها كلها فی البول مره واحده **completely secreted** الصبغه دى لونها ابيض لما تترمی فی مجرى البول بيانك الـ **ureter** الناحیه دى **لونه ابيض** فی فيلم الاشعه وهنا ابيض **والمثانه لونها ابيض** والـ **urethra** **لونها ابيض من تحت** **يبقى لو فیہ ای حصوايه او ورم اقدر احدد بالظبط مكانه فین او حتہ ضيقه**

- **Ultrasonography** ایہ الـ **ultrasonography** ده؟؟؟ **اشعه تليفزيونيه** سونار یعنى .
- **CT** ایہ الـ **CT** ده؟ **اشعه مقطعيه** اه مقطعيه ماشى انا عايز اسمها بالانجليزى عارف مقطعيه **computed tomography** اشعه مقطعيه

الصبح امبارح بسألهم ایہ **CT** يقولك **CT scan** یا سلام طب منا عارف !!!! انا عايز **CT** لوحدها **computed tomography** **اشعه مقطعيه** لانه بياخد مقاطع فی الـ **organ**

➔ عيب واحنا بنشرح فی الـ **kidney** متعرفش **ازای نعالج فشل كلوى مهم :-**

- غسيل کلی بطريقتين
- او احلى من الغسيل **نعمل ایہ؟** زراعه

اسمها ایہ الزراعه بقى؟؟؟؟ **transplant** طبعا احلى حاجه فی الـ **transplant**

★ الاول ایہ مشكله الـ **transplant**؟؟ **ejection** مين احلى واحد ناخذ منه کلیه لو **twin** مش ای **twin** لازم يكون **identical** توأم من بويضة واحده .

تعال احكيلكوا فكره غسيل الكلوى :- فكره لذیذه احب احكيها لك كدا لانها عليك حتى لو مجتشی اكتب على الـ **treatment** دا قرايه بس حلوه اسمع فكره خد فكره واشترى بكره .

بص كدا جهاز غسيل الكلوى :-

➤ فیہ حاجه اسمها **غسيل دموى** و**غسيل برتینوى** هفلك فكره الاتنين .

➤ جهاز غسيل الكلوى بيتشال على عربيه نقل علو كدا وعرض كدا حاجه یعنى معدن بلوى اهوه ده حجمه كل ده جهاز اه بیسموها **kidney machine**

الجهاز ده فكرته ببساطه :- مقسومه بـ **semipermeable membrane** من النص **membrane** شبه منفذ فیہ حاجات تعدی وحاجات لا طیب وبعدين هنعمل **ایہ فی الجهاز ده؟؟؟** حجرتين اهم جوا الجهاز الدكتور بیجى الصبح یحط هنا محلول اسمه **dialysate** دا بتاع **dialysis** بتاع الغسيل محلول یحطه .

مواصفاته جميله :-

- المحلول ده یخلو من ماده الـ **urea**
- البوتاسيوم اللى فى المحلول ده قليل
- الضغط الاسموزى بتاع هذا المحلول على جدا

★ هتقولى ما هى الاملاح هتعدى هقلك لا يا حبيبى مهو الـ **membrane** ده شبه منفذ مش هيخليها تعرف تعدى هتفضل الناحيه دى الضغط الاسموزى على فيه حاجات مش هتعدى .

طيب دا المحلول فى العيان ؟؟؟

- العيان راقد جنب الجهاز ٦ ساعات هنا مرتين فى الاسبوع فى مصر ودول العالم التالت و ٣ مرات فى الاسبوع فى امريكا والدول المتقدمه لان عندهم فلوس
- اهم حاجه ان العيان بيرقد جنب الـ **machine** حاضن دراعه كدا هقلك ايه اللى بيحصل هيرقد على الحال ده ٦ ساعات مرتين فى الاسبوع عندنا

بص بقى دراعه ايه اللى بيحصل :-

بناخد الدم من الـ **artery** فى دراعه ادى الـ **artery** اهو بتاع العيان يمشى هنا جوا الجهاز وادى انبويه تانيه ترجع الدم للـ **vein** بتاع المريض يا سلام كدا الدم انتضف !!!! طبعاً .

بص يا بابا خلى بالك قلبك بيضرب ٧٠ مره يعنى اللفه هنا تتكرر ٧٠ مره دم العيان عمال يعدى جوا الجهاز ٧٠ مره فى الدقيقه ←

بص اللى بيحصل على التابلوه ؟؟

- دم العيان **مليان** **urea** والنص التانى من الجهاز **مفروش** **urea** فتقوم الـ **urea** كلها تيجى كدا حلو .
- دم العيان **مليان** بوتاسيوم اللى بيموت وهنا البوتاسيوم **واطى** يقوم البوتاسيوم يخش فى الجهاز .
- دم العيان محوش ميه عشان كدا ضغطهم على مهي الكليه مش عارفه ترمى فالضغط الاسموزى على يشفط الميه الزياده
- دم العيان **مليان** سموم اخرى **waste products** كلها **تخش** بالمحلول ده

انت عارف بقى احنا بنعمل ايه ؟؟

الدكتور يجى كل ساعه يروح ماسك دول رميهم مفضيهم وحاطط كيس جديد قوم اللفات الجديده تخلص بردوا من الحاجات الوحشه كل ساعه حط كيس جديد والعيان بقى كل ده راقد هنا جنبينا كام ساعه ؟ ٦ ساعات ← ده اسمه **hemodialysis** طيب .

😊 فيه عيانيين يا ولاد مش عاجبهم ان هما يناموا فى المستشفى جنب الـ **kidney machine** دى ٦ ساعات يومين فى الاسبوع دا مش هاشتغل بقى .

عملوا طريقه تانيه اللى هى الغسيل البريتونى

ايه غسيل البريتونى ده ؟

مفيش لا مكنه ولا غيره العيان بيروح شغله ازاي ؟

هنستخدم الـ **peritoneum** بتاع العيان بدل النص ده من الـ **machine**

یعنی ایہ ؟

- العیان ده بیعملوله عملیه بیثبتوله زی انبوه کدا ما بین الـ **peritoneum** جوا ومبین جلدہ من برا تنفتح وتنقل من برا الانبوه لیها غطا
- طبعا عرضه للـ **infection** رهیب عشان کدا مبنکترش نعمل العملیه دی کثیر .

المهم العیان بیجیلنا بردوا مرتین فی الاسبوع بنعمل ایہ ؟

محلول **dialysate** ده ندخلهوله جوا الـ **peritoneum** ونروح قافلین الغطا .

نقوله بقی ایہ ؟ روح شغلك ٦ ساعات **وتعاللنا**

نفس الفکره یا ولاد المحلول جوا بطنه الدم معدی دلوقتی جوا مسارینک العیان ده

الحاجات الوحشه تترمی علی الـ **peritoneum** :- میه وبوتاسیوم و **urea**

فی اخر الیوم یجیلی نقوله عن اذنک المیه بتاعتنا ششش شفاطین الشویه الی احنا رمیناهم فی بطنه اقفل الغطا نشوفک ان شاء الله بعد ٣ ایام احنا بنتقابل مرتین فی الاسبوع

☆ طبعا هنا محضرین محلول یستحمل **میتغیرش** الا مره واحده **یستحمل** معاه ٦ ساعات

بس اقلک حاجه:-

➤ بتخلی العیانین ریحتهم شویه مش لطیفه العیان مبیبقاش منسجم عشان کدا معظم الناس بتفضل الـ

hemodialysis

➤ بس هنا فیہ میزه ان العیان **ambulatory**

یعنی ایہ **ambulatory** ؟ ماشی **علی رجليه** یعنی العیان مش نايم جنب الـ **machine** راح شغلہ واتمشی وعمل اعماله واخر الیوم ناخذ المحلول منه تانی بس فهمت ایہ فکرتها غسیل دموی وبریتونی.

عارف ایہ مشکله الغسیل الدموی ؟

ان فیہ بعض الاماکن یعدم فیها الضمیر ای عیان یجیلهم عایز یعمل غسیل دم یحطوه علی طول علی الجهاز **من غیر میتأكدوا انو خالی من فيروس C** خلی واحد عنده فيروس C اقلدنا علی الجهاز

☆ احنا کان عندنا اجهزه مخصوص للجماعه بتوع فيروس C نقولکوا انتو اعقدوا علی ده منتوا کلکوا عیانین زی بعض فجه واحد راح داخلینا علی الجهاز السليم یعدیلک کل الطقم الی وراه فدی مشکله جامده اوی فی نقل المیکروبات عشان کدا لو لیک حد جیران حد من الاقارب اهم حاجه یختار مکان صح یغسل فیہ مکان کویس مضمون مضمون الحاجات الکبیره المستشفيات الکبیره .

خلصنا یا عم من الـ **kidney** تعال نخش علی

الـ **acid-base balance** بلا :-

اکتبلی علی الورقه دی شفوی مهم شفوی و **MCQ**

بیحب یسألوکوا فی الشفوی سؤال

لما نقول **acid-base balance** ونسکت احنا نقصد بتاعت ایہ ؟

extracellular fluid بین الخلايا هی دی الی احنا عایزین نظبط الـ hemostasis **بروزلی** **extracellular fluid** محنا عایزین نظبط مین .

والله مكسوف اقول بقى ایه الفرق یا بنی بین الحمض والقلوی؟؟ دا كلام ابتدائی

• فاکر تعریف الحمض؟؟ الی بیدیک هیدروجین ایه رأیک!!!!

ویقولک:- الحمض القوی الی بیتفکک **بالکامل** یدیک هیدروجین کثیر زی HCl

والحمض الضعیف الی بیدیک هیدروجین قلیل زی H_2CO_3

ایه جابنا احنا فی للكلام ده المهم .

• ویبقی تعریف القلوی:- دا الی بیستقبل الهیدروجین

افهم بقی میه المیه القلوی ده الی فیہ الـ OH یاخذ معاه الهیدروجینه ویعملوا المیه

مکتوب عندک :- القلوی القوی الی یدیک OH کثیر یتفکک **بالکامل** ویدی OH کثیر $NaOH$

والقلوی الضعیف NH_4OH مبیستفککش کله مبیستفککش OH کثیر .

سییک یا عم من کلام الابتدائی ده

تعال بقى لسؤال جبار فى الشفوى یقولک ای عیان عندنا فی المستشفى بناخذ منه عینه دم دایما venous ماعدا عیان واحد؟ الی عایز تشوف الـ **acid-base balance** فیہ .

العیان الوحید فی الطب الی بناخذ العینه من الـ **artery** وافلک بناخذها من الـ **femoral artery** احنا فی المستشفى بناخذها من الـ **femoral** الی فی الرجل ناخذ عینه عشان نشوف **acid-base balance** یا ریت تبروزوها

عشان یا ولاد اعرف الـ **acid-base** بتاع عیان فیہ عندنا ۳ حاجات فی دم المریض هنقیس منهم ۲ :-

• PH هی هی ترکیز ایون الهیدروجین

normally کام الـ PH انتو حافظینہا؟؟؟ 7.4

مکتوب عندک الـ **range** الـ PH من 7.35 الی 7.45 لو بیتکلم فی ترکیز الهیدروجین بقی من ۳۵ الی ۴۵ نانو انا یهمنی الـ PH .

• الـ **CO2 tension** :-

حد فاکر ضغط الـ **CO2** فی الـ **respiration** فی اولی کان کام؟؟؟ **arterial** کام؟؟؟ و **venous** کام؟؟؟ هی اولی دی سقطت !! الطلبة کنا بنحفظهم زمان فی اولی **ان ضغوط الاکسجین** ۴۰ - ۱۰۰

CO2 ۴۰-۶۰

۴۰-۶۰ / ۱۰۰-۴۰ اولی کلها بتحفظها علی کدا

۴۰-۱۰۰ دول الاکسجین سییک منهم

CO2 ۴۰-۶۰ دول ضغوط الـ

تفتكر مين فيهم الـ arterial ؟؟؟؟ الـ CO2 على artery ولا vein ؟؟؟ طبعاً

يبقى ٤٠-٤٦ مين الـ arterial ؟؟؟ ٤٠

مكتوبه عندك المتوسط ٤٠ يبقى من ٣٥-٤٥ دا الـ normal

تالت حاجه تقيسها انا عايز اقلك حاجه الامتحانات اللى بنمتحنها برا كل الـ kidney دى مبيجيش فيها ولا سؤال ماللى انا شرحتها تصور زميالكوا يسألونى clearance توتو حاجات academic اوى

كل الاسئله برا فى كتاب الـ kidney ده فى موضوع الـ acid-base balance يعنى اللى هيمنتن معادلته بره هيلاقى الـ kidney دى تهميش اهم حاجه الـ acid-base balance بيهتموا بيه اوى برا

مكتوب عندك

• هنفيس تالت حاجه فى دم المريض البيكربونات

مش كدا ؟؟ مضحكوش الناس علينا الله يخليك متروحش مستشفى برا تشتغل فيها فى يوم من الايام تقولهم قيسولى الصوديوم بيكربونات هيبصوك باستغراب انت بتقول ايه ؟

★ قولوا حاجه اسمها alkali reserve

اكتبلى تحت البيكربونات تطلب للعيان alkali reserve الاحتياطى القاعدى نعى بيه الصوديوم بيكربونات مضحكوش الناس علينا

الـ normal على فكره من ٢٢-٢٦ ... اللى هو القلوى بالدم

معلشى كمان مره الله يخليك :-

➤ نوع العينه اللى بناخذها هنا فى الـ acid-base بتكون arterial ولا venous ؟؟؟ arterial

➤ عندك ٣ حاجات يا بابا :-

• لازم تقيس الـ PH

وحاجه من الجزء اللى بعديهم يا تقيس:-

• CO2 tension

• يا تقيس الـ alkali reserve

اصلها مش واضح فى الـ diagram مكتوبه عندك تقيس ٢ من ٣ يبقى ممكن تلغبط لازم من الاتنين الـ PH وتختار ما بين نمرة ٢ يا ٣

★ الحصه الجايه هتفهموا ليه انا مصمم على دى لازم الـ PH ويا تقيس الـ CO2 tension يا الـ alkali reserve

حد حفظ النقطة والله من اهم الافكار

CO2 tension كام الـ range بتاعه ؟؟؟ arterial 40-46

والـ alkali reserve normal كام ؟؟؟ من ٢٢-٢٦

الـ PH سهله طبعاً .

طیب احنا لیه قارفین روحنا وعایزین نظبط الـ PH فی الجسم ؟؟؟؟ کل البروتینات کل البروتینات فی جسمك مبتشتغلش الا فی PH مضبوطه .

- **بروتینات** !!!! انت نسیت یا بابا ان کل الانزیمات بروتینات
- کل الـ carriers بروتین
- کل الـ channels بروتینات

عشان کدا ساعدتک لازم **تظبط** الـ PH اصل کل العمليات بتاعت البروتین معتمده علی PH مضبوطه طیب .

سؤال نظری مهم جه مره **sources of H** :-

فاکر الدكتورہ ایاها بتاعت الـ abnormalities بتاعت micturition فی امتحان اخر لا بس یومها کانت حنیہ شویہ جابت **source of H** ومعاه القصاص الثلاثه بتاعت الـ هیدروجین قاسم السماوی والـ kidney لما کانت فرحانه فالطلبه مبتقتش مضایقه اوی

المهم انو جه **source of H** فیہ ناس غاویہ کدا غاویہ مشاكل

المهم مصادر الهیدروجین :- اتین

- یا مستورد دا الی بتاخدیه مع الاکل اکتبلی جنبیه مستورد من برا لیمون وبرتقال ویوسیفی الموالح کله
- او محلی طالع من عملیات الـ metabolism اکتبلی جنبیه محلی

الناس بتفتکر احياناً بالکلمتین دول مستورد ومحلی .

هرجعکوا للبايو شویہ بقى .. الكربوهیدرات لما يتحرق فی البایو کان بیدی **carbonic acid** مش کدا ؟؟ اه

الـ **H₂CO₃** بیتفکک لایه ؟؟؟ **CO₂** ومیه

➤ الـ **CO₂** دا بینطر د ازای من الجسم ؟؟؟ **respiration**

عشان کدا بیسموا هذا الحمض **volatile** متطاير اصل الـ **H₂CO₃** ده من حرق السكر بیتفکک لـ **CO₂** ومیه

والـ **CO₂** ها ها ها مع النفس فیسموا هنا الحمض متطاير **volatile**

➤ فاکر فی البایو فی الـ **lipid & protein metabolism** لما کنا بنحرقهم فی الکیمیا کان بیطلع عندنا

حمضین **sulfuric & phosphoric** الاتین دول **یترمو** فی الـ **urine** عشان کدا یسموهم **fixed acids**

مهو مینفعش یطلعوا عن طریق الـ **lung** **sulfuric & phosphoric**

➤ فیہ احوال خاصه یا ولاد من الـ **metabolism** :-

- واحد بیجرى یبقى عضلاته تطلع **lactic acid**
- وواحد عنده **DM**

ایه الـ **DM** ده ؟؟؟ جسمه بقى یا سیدی بیطلع **ketone body**

فاکر مین الـ **ketone bodies** کانوا ثلاثه ؟

۱- **Acetone**

۲- **Acetoacetic acid**

٣- Beta hydroxybutyric acid

★ يبقى مصادر الهيدروجين ؟ 4 من الـ metabolism اثنين من الاكل واثنين في احوال خاصه حته يا ولاد تنظيم الـ PH دى دوضوع حلو :-

٣ حاجات يا ولاد تنظيم بيهم الـ PH هتسمع كلام جديد

- **اسرع** حاجه تنظبطك الـ PH الـ buffers بتشتغل مكتوب عندك within fraction of a second بس ايه رأيك ؟ السرعة دى على حساب الكفاءه ميه الميه
- **ابطء** منها شويه الـ respiration هنكتب كل واحد
- **ابطء** واحده تبقى الـ kidney

★ فاكرو المثل الانجليزى ميه الميه الـ kidney هى اهم واحده اكيد طبعا احنا بنشرح فى الـ kidney

تعال نمسك الـ buffers اقلبلى الصفحه ما قبل الاخير الاخير نص ورقه على فكره

Chemical buffers نظرى مهم :-

فى الدنيا سبع عجائب وفى سؤال الـ chemical buffers سبع معلومات :-

اول جمله فى الـ buffer بتنزل MCQ ناس بتلخبط

الطالب مش عارف الظاهر بيحس انو قارى الكلام ده فى البايو فيعنى زمان واولى وعارفه فاهى حاجه تيجى هجابوب وتلخبط فيها غريب اوى يعنى .

- انت عارف تعريف الـ buffers اول معلومه من السبعه :- مركبات بتـ minimize مش بتـ prevent الـ changes فى الـ PH

مش فاهم يعنى ايه ؟؟؟ هقلك يعنى ايه :-

تخيل يا بابا واحد عمل تمرين رياضى العضلات بتاعته طلعت lactic acid وده حمض قوى كان **هيوطى** الـ PH جامد يجرى الـ buffer على طول **يعادله** اسمه الصوديوم بيكربونات

يلا فى الكيميا لما احبب الصوديوم كذا يبقى هيينتج عندي Na lactate

والهيدروجينه هتضاف على الباقي يبقى مين اللى جاى carbonic acid ده حمض ضعيف

يبقى كأن يا ولاد مفيش حاجه اسمها الـ PH **مش هتتغير لا هتتغير بس بدرجه قليله** بدل ما عندك lactic acid يوطى الـ PH جامد بقى عندك دلوقت carbonic acid حمض ضعيف وطهالك بس مش اوى

يبقى اوعى تلخبط فى الـ MCQ

★ الـ chemical buffers دى اختار بتـ minimize ولا بتـ prevent الـ changes فى الـ PH

اللى هيقول بتـ prevent هقطع رقبتة **مهياش** بتـ prevent الـ buffer اهو نتج عنه حمض بردوا

يبقى بتـ minimize ولا بتـ prevent ؟؟؟ بتـ minimize

احنا لسه قابلين بتشتغل اد ايه ؟؟ سرعتها اد ايه فى الشغل ؟؟؟ بتشتغل خلال اد ايه ؟؟؟ within ايه ؟؟؟ fraction of a second بس خلى بالك دا **على حساب كفاءتها**

• ثالث معلومه حد فاكر من ايام البايو فى سنه اولى كان يقولك دايمًا الـ duffer فى جسمك حنتين:-

➤ حمض وقاعدته

➤ Weak acid وقلوى قوى

➤ Weak acid و short conjugate base

➤ حمض ضعيف وقلوى قوى

حد عارف من البايو ليه دايمًا الـ buffer الحمض هو اللي فيه ضعيف وقلوى هو اللي قوى ليه ؟؟؟ ايه الفكره ؟؟؟

☆ طب هسألکم سؤال تفتكروا لو انا قتلکوا دلوقتى انا عندى على التريزه ورايا حمض وقلوى اختر وا واحد من الاتنين احطهولك على ايدك بالفطره كدا انت عارف مين الضعيف فتختاره ؟؟ القلوى

الناس فاهمه ان القلوى هو الضعيف يبقى عشان تعادله يا بابا فى دمك محتاجله حمض ضعيف

انما طول عمرها حمض ضعيف قلوى قوى اشمعنا ؟؟؟ لان طول عمره القلوى ضعيف يبقى عشان تعادله كنت محتاجله

حمض ضعيف بينما الاحماض طول عمرها حاجات قويه يبقى عشان تعادلها من الاول محتاجها قلوى قوى

فهمتوا ليه تركيبيه الـ buffer كدا ؟؟؟ مسألتهمش زمان فى البايو ليه حمض ضعيف وقلوى قوى والنبي انتو ناس طبيين

طبيين اوى انتم اوى اوى سايبينهم على راحتهم المهم

• رابع معلومه معادله حطها اتنين المان اساميه كدا مش عجبانى Henderson & hasselbalch حطوا معادله

عايز اوريكو اصل المعادله معلش عشان تبقى بتفاصيل اكثر شويه

بص على التابلوه واقف على دى :-

➤ تركيز ايون الهيدروجين **يتناسب** مع كميته الاحماض فى دمك صح ولا لا ؟؟؟

مش الاحماض هي اللي بطلع هيدروجين طيب

وعكسيا مع القلويات طبعًا :- مهو القلوى ده هو اللي بيستقبل الهيدروجين هخلصهولك هو طهولك حد معترض على دى

➤ طيب خد minus log الطرفين يبقى minus log الناحيه دى و minus log الناحيه دى acids على salts جميل

☆ حد عارف minus log الهيدروجين ايون ده تعريف ايه ؟؟؟ PH

PH ايه بقى كلمه ؟؟؟

☺ product of H دا نظام بلبل حزين وحاجات زى كدا ايه product of H دى !!!

لا صحيح مسألتهمش فى البايو يعنى ايه الـ PH دى اختصار حاجه اكيد :- دى اختصار potentia hydrogena

يعنى قوه ايون الهيدروجين دا معنى الـ PH

انت عارف فى الرياضه لو عندك **minus log** حاجه على حاجه **positive** عايز تخليها بالـ **positive** تعمل ايه فى طرفى الـ **log** ؟؟؟ اعمل ايه ؟؟؟ اقلبهم صح لو عايز الـ **minus** تقلبه **positive** تقوم تعكسهم مكان بعض تحط الـ **salt** فوق والـ **acid** تحت صح

طبيب عايز احط يساوى **حط ثابت** مكتوب عندك الثابت هنا اسمه **PK** هنا جمعناه **log salt/acid +** هى دى المعادله بتاعت هاتسون وهذابلخ اللى مكتوبه عندك .

• كفاءه الـ **buffer** اللى هى النقطة خمس

تعال الاول نراجع على الاربع حاجات اللى قولتهم

قولى كدا الـ buffers مركبات بتـ **prevent** ولا بتـ **minimize** الـ **PH** ؟؟؟ بتـ **minimize**

بتشتغل بسرعه بسرعه دى اللى هى **within fraction of a second**

طبيب الـ buffer حنتين حمض وقلوى مين الضعيف فيهم ؟؟؟ الحمض **weak acid** والـ **base** هى اللى قويه

اسمهم ايه الاتنين الحرمايه دول اللى عملوا المعادله ؟؟؟ **Henderson & hasselbalch**

• خامس نقطه كفاءه الـ **buffer** بتتحدد بشيئين :- فوقلى بقى لان دى اهم حته فى الورقه

انا هعرض عليكم الـ **buffer** فى النقطة السادس على اى اساس هنقول الـ buffer ده حلولا وحش ؟؟؟ على حسب حاجتين :-

- ميه الميه كميه الـ **buffer** تفرق كل ما الـ **buffer** كان كثير كل ماكان احلى
- تانى حاجه دى اللى ملخبطه الدفعه بقى يقولك احلى **buffer** لما تكون **PH** اللى عايز يظبطها الـ **buffer** اد **PK** بتاعته

الجماعه العلماء معتمدين على ان اللى بيسمعوا بيذكروا افهموا يا ولاد :-

تفتكر لما دول **بيساوى** بعض يبقى قيمه الـ log ده بكام ؟؟؟ صفر

Log كام بصفر ؟؟؟؟ واحد مش انا قلتك مره **عشان تعرف قيمه الـ log** عد الاصفار

Log100 كان بكام ؟؟؟ ٢

Log 10 ؟؟؟ ١

Log 1 ؟؟؟؟ بصفر

بيقلك احلى **buffer** لما يكون **PH** اللى عايزين نظبطها اد الـ **PK** بتاعت الـ **buffer** اه يعنى قيمه اللوج بصفر

Log كام بصفر ؟؟؟؟ واحد بيبقى كأن الجزأين بتوع الـ **buffer** اد بعض

مش انتو بتقولوا الـ **buffer** جزء حمض وجزء قاعده لما يكونوا اد بعض بيبقى الـ **buffer** دلوقتى مستعد لكل الظروف بنفس الكفاءه جوا الجسم دا احلى **buffer**

بس هما كتبوها بطريقه غلسه من الاخر للاول

نقول تانى كفاءه الـ **buffer** كميته دى سهله :-

احلى buffer لما تبقى الـ PH الى عايزين نظبطها **اد الثابت** بتاع الـ buffer فالمستمع يفهم يعنى ايه الاتنين دول اد بعض ??? يعنى قيمه اللوج ده بصفر

و log کام بصفر ??? واحد

يبقى الـ salt والـ acid بتوع الـ buffer اد بعض

مش انت بتقول الـ **buffer** حمض ضعيف و قاعدته قويه

اللاتنين دول نفس الكميه ببقى هذا الـ **buffer** مستعد لاي حاجه **تضيف** عليه **قلوى** هو جاهز **تضيف** عليه حمض هو **جاهز**

عرفتوا بقى كفاءه ال buffer بتحدد بكام حاجه ??? مين ومين ???

Amount 

➤ واحلي حاجه لما مين يساوى مين ؟؟؟ PH تساوى الـ PK

● طب تعال بقى افلاك سادس نقطه مين ال buffers اللي عندك ونقيمهم

١- اول واحد عندك بيكرونات اكتبى جنبها اللي هو carbonic acid والـ Na bicarbonate

ادی ال buffer اهو يا سیدی عایزین نشوف ال buffer ده حلو ولا وحش ؟؟؟ کام حاجه ؟؟؟ حاجتین

➤ اذا قتلناك ان كميته قليله اوى اوى اوى مكتوبه عندك ٢٤ مللى مول مش احنا لسه قايلين من شويه من ٢٢-٢٦
طبيب الكميه وحشه

➤ والـ PH normally كام ؟؟؟ 7.4 ايه رأيك في الـ PK بتاعت هذا الـ 6.1 buffer

یاااااااااااااا دی بعیده اوی دا وحش اوی فیه کله عیوب کمیته تعبانه وال PK بتاعته بعیده عن ال PH احنا عایزین
الأتنین بیقوا شبه بعض مش بعاد کدا

ومع هذا يا ولاد دا اهم **buffer** في جسمك عارف ليه؟؟؟ **بقدر** اتحكم في كميه الحته دي والحته دي:-

➤ ايه رأيك لو سعادتك نفسك وقف مين هيزيد جواك ؟؟؟ CO2 دا بيدوب في الميه ويدي carbonic acid

ايه رأيك لو سعادتك نفسك زاد كدا بتطرد ايه ؟؟؟ CO2 يبقى الـ carbonic acid هيقـل

يبقى انا بقدر اتحكم فى دى عن طريق الـ lung

➤ عارف مین بیتحکملک فی الـ bicarbonate ؟؟؟؟

الـ ٣ قصص القصيره الرائعه بتاعت الحصه اللي فاتت قاسم السماوى والـ ammonia

كانت الـ kidney عماله **تحذفلك** Na bicarbonate لو عايز.

عشان کدا ده اهم **buffer** في الجسم لان بقدر اضبط دی ودی زی مانا عایز طیب

۲- تانی buffer عندك عشان اقلك مين هو الجميل اوى phosphate اكتب يا ابني حد يعرف يقرألى دي NaH_2PO_4

تنتطق ازای دی acid؟؟؟ ولا alkaline دی؟؟؟ acid ویبقی القلوی بتاعه فيه ۲ صودیوم یبقی ده الـ Na
alkaline phosphate ادی الـ buffer

ای buffer یا ولاد عشان اقول دا حلو ولا وحش بكام حاجه؟؟؟ حاجتین

➤ ایه رأیک ان کمیه الـ buffer ده 1/24 من اللی قبله دا اللی قبله اساسا قولنا قلیل دا بقی 1/24 من کمیتہ قلیله
اوی

➤ بس فيه میزه حلوه الـ PK بتاعته 6.8 قریبه من 7.4 اللی عایزین نظبطها حلو

انت عارف الـ phosphate کـ buffer یلا عشان هعمقکم فی نقطه جامده اوی مش فی الکتاب ولا فی المذکره

عارف الـ phosphate کـ buffer الکتاب بیقولک مهمه اوی مکتوب عندک tubular fluid لا لا احنا عایزین
کلام جامد :-

★ فاکر مره دکتور ناجی فی الاندوکرین کان بیحکیلک یقولک ایه ؟ کان یقولک :-

کل الهرمونات لما جت تشتغل علی الـ kidney اشتغلت علی اخر الـ nephron وانا قولتکوا الکلام ده تانی فی الـ
kidney

ماعدًا فيه هرمون کدا یا اخی کان بحرف الـ (p) parathormone کان بحرف الـ (p) اشتغل علی proximal
glomerular tubule بحرف الـ (p) منع ان الـ phosphate يرجع بحرف الـ (p) الکلام ده فی الـ
proximal tubule

کان 3p مهمین اوی parathormone فی الـ proximal منع امتصاص الـ phosphate

★ الله یبقی تركيز الـ phosphate عالی فی الـ proximal طب لیه؟؟؟ انت نسیت کام فی المیه من الهیڈروجین
بخلص منهم فی الـ proximal؟؟؟؟ ۸۵ %

لا تؤجل عمل اليوم الى الغد ربنا حاططله buffer فی انتظاره phosphate

کتاب الکلیه مقلش کل العک ده قالک ان الـ phosphate ده tubular fluid یا عم اکتب جنبیها proximal
glomerular tubule یا عم اکتب کلام محترم عشان یعادل الهیڈروجین الحمض الرهیب ده

← Parathormone بحرف الـ (p) proximal tubule بحرف الـ (p) بیمنع امتصاص الـ phosphate
بحرف الـ (p)

عارف الـ phosphate موجود فین کمان؟؟؟ جوا الخایا

الخایا جواها بوتاسیوم ، بروتین، فوسفات

الفوسفات عالی جوا الخایا طیب

لغایه دلوقتی خدنا اتنین buffer

۳- التالت بروتین اکتب یا ابنی معایا اکتب اصحی یا شعبان اسمه Na protonate proteinic acid

کل واحد هاجی اصحیه ولا ایه !!!

المهم یا ولاد ان البروتین عندنا فی الجسم فيه منه ۳ صور ینفعوا بشتغلوا کـ buffer :-

اول انتین فی منهج الـ blood

➤ فاکر الہیموجلوبین والبلازما بروتین کانوا ینفعوا کـ buffer الاتین شغالین buffer

حد فاکر الہیموجلوبین کـ buffer فی سؤال سنہ اولی کان کام مرہ اد البلازما بروتین ؟؟؟؟ ۶ مرات

بتجی فی تانیہ بردوا مکتوب عندک 6 times طیب

عارف الہیموجلوبین کان بیفیدک فین ؟؟؟ فی قصہ CI shift phenomena یاااہ بتاع زمان سبیک منها

المهم کان CO2 بیتحمل علی Hb وبعمل carbamino مرکب متعادل دا فایده الہیموجلوبین

الجملة الی جایہ دی بیجیوہا کثیر فی الـ MCQ بیقولک

Deoxy hemoglobin better buffer عن الـ oxy hemoglobin بیجیوہا فی الـ MCQ

الطالب مش فاهم یعنی ایہ ؟؟؟ یا بابا شادیہ اغنیثا عشان ملیش قلبین مقدرش احب انتین

الہیموجلوبین یا ایما یشیل O2 لـ tissues یا ایما یشیل CO2 یعادلهولنا

تفتکر بمخک عشان الہیموجلوبین یشیل CO2 هل بقی oxy Hb ولا deoxy Hb ؟؟؟؟ deoxy طبعاً بقی هو ده الی buffer

الی شایل اکسجین مش هیعرف یشیل حاجہ بقی مش هیفیدنا بحاجہ

ببقی الـ buffer اسمہ الـ deoxy طیب

طالب قالک انتو عمالین تجمعوا فی البروتینات متاخذوا بتوع الخلايا معاکوا والله عندک حق

بروتین الخلايا مکتوب عندک کمیتہ رهیہ

یس فیہا عیب خطیر اوی :- بروتین الخلايا ده شوف یا بابا الخلیہ اہہ عشان تدخل هیدروجین جوا الخلیہ وتعادلہ بالبروتین الی جواہا العملیہ دی صعبہ جدا very slow

یاااااا واحنا عندنا یا ولاد الـ buffer المفروض بیشتغل within fraction of a second عشان کدا مبینفعناش اوی حتہ بروتین الخلايا

• بما انکوا نمتوا هقرألکوا بقی نمرہ سبعہ شفوی مهم تعا نقرأها

یسألکوا فی الشفوی یعنی ایہ isohydric principle ؟؟؟ اقرأ کدا الکلام الجمیل

بیقولک یعنی ایہ isohydric ؟؟؟ دا buffer systems buffer each other by shifting H from one buffer to another

المهم فہمتوا حاجہ ؟؟؟ !!! ولا انا

قصدهم یقولوا ایہ بالحاجہ الغریبہ دی المکتوبہ بص کدا علی التابلو

بص کدا علی التابلو بص عشان اقنعک بیہا بیقولک لو واحد عمل تمرین طلعوا lactic acid

➤ اول قلو ی بتاع الـ buffer الاولانی هیعادلہ قدامک Na lactate وحمض ضعيف

➤ الحمض الضعيف ده هيجى القلوى بتاع الـ buffer التانى يعادله اللي هو الـ Na alkaline phosphate طيب

➤ كمل معايا كدا واحد صوديوم هتيجى كدا هيدينا ايه ؟؟؟؟ Na bicarbonate

وواحد هيدروجين تيجى كدا بيقى ايه ؟؟؟ acid phosphate صح

خلى بالك Na acid phosphate ده حمض اضعف من اللي فوقيه

➤ طيب الـ acid ده هاتهولى هنا

الـ Na acid phosphate يجرى القلوى بتاع الـ buffer التالت يعادله اسمه Na protonate حلوه اللعبه دى طيب

كل واحد بيعادل اللي قبله

➤ الصوديوم ده تيجى كدا بيقى المركب الناتج اسمه ايه ؟؟؟ Na₂HPO₄ والهيدروجينه الزيادة دى تيجى على البروتين تدى proteinic acid حمض اضعف واضعف

هو ده معنى الـ isohydric ان كل buffer بيحاول يعادل اللي قبله عشان فى الاخر نحصل على اقل تغير ممكن فى PH

تعال نقرأها تانى كدا بالعقل

يعنى ايه isohydric ؟؟؟ كل buffer بيعادل اللي قبله buffer systems buffer each other عن طريق ان الهيدروجين عمال يطنط من واحد للتانى من ده يديها لده يديها لده .

المهم بدل معندنا lactic بقى proteinic فى الآخر

الصفحة الاخير

★ Iso يعنى متساوى hydric يعنى هيدروجين :- بنوزع الهيدروجين بالتساوى كل واحد ياخذله شويه

فى الصفحة الاخير احنا قولنا اللي بينظم الـ PH الـ buffers والـ respiration

اكتبلى على respiration نظرى فقط يعنى اى كلام

انت عارف از اى الـ respiration هتتظم الـ PH ؟؟؟

الى عنده حموضه بيقى الهيدروجين كتير وفى سنه اولى

الهيدروجين لما بيعلى بينشط النفس يمكن حد فيكم فاكر هل بتشغيل central chemoreceptor جوا المخ ولا الـ peripheral اللي برا ؟؟؟؟ الـ peripheral لانو مبيعدش blood brain barrier وحاجات كدا غريبه

المهم يعنى الـ peripheral

➤ بصلى لو سمحت الى عنده حموضه بصلى بصلى ونفسه زاد ها ها كدا بيترد مين ؟؟؟؟ CO₂ الـ CO₂ دا الحمض بيقى الـ PH هتتصلح

مكتوب عندك ان الـ respiration عشان يشتغل بياخد من دقيقه لـ ١٢ دقيقه الله الله الله

دا ابطء من الـ buffer ببقى احلى منه

مكتوب عندك ان كفاتته اد كل الـ buffer مجتمعين يا مره لاتنين

مهو دايميا يا ولاد الابطء ببقى احلى

انت عندك الـ buffers اشتغلت within fraction of a second دا بيشتغل من دقيقه لـ ١٢ دقيقه ببقى احلى

بس فيه عيب خطير :-

➤ انت عارف اللى عنده حموضه ونفسه يزيد ها ها ها مين بينطرد فى دول ؟؟؟ CO2 طيب مهو الـ CO2 لما ينطرد بعد شويه هيقول جوا الجسم ودى حاجه توقف النفس

عشان كدا عمر النفس مينجز المهمه ميه فى الميه عمره ما هيعرف يظبط الـ PH لوحده

اقول تانى واحد عنده حموضه هيدروجين عالى ها ها ها بمجرد مطرد $2/3$ CO2 نفسه يقف وكألك يا ابو زيد مغزيت مستفدتش عشان كدا كاتبلك هنا ان ده بينجز $2/3$ المهمه عمره مهيصالح الـ PH لوحده بالكامل

عارف مين جزاها الله خيرا اللى شغالين فى كتابها بقالنا ٣ اسابيع الـ kidney اكتبلى عليها نظرى مهم وسؤال مانت قولت مفيش اسئله مهمه واتسألت

اجابه السؤال بتاع الـ kidney هي ٣ قصص قصيره

بتاعت :-

- قاسم
- ومكسب تافه وخساره تافهه
- وقصه الـ ammonia

فاكر صفحه الهيدروجين انا ملتكوا سؤال function of kidney in acidosis هتتحط اجابه هذا السؤال